



Rabu, 09 September 2020

Pilipi 4:8



UKURILAH SI MEHULI



Di kune lit persoalen si turah i tengah-tengahndu, kira-kira piga wari nge persoalen e maka enggo erkedugen? sabap megati pesoalen si lit e ertindih-tindih lenga dung sada enggo ka reh si deban. Adi la mis idungi e banci jadi bom waktu, sada paksa pagi banci meledak, turah perubaten si mbelin.


Perpulangan i kuta Pilipi, lit gelarna si Eudia ras Sintike, duana ia kalak si tutus bas pelayanen nampati Rasul Paulus i bas erberita si meriah. Duana ia keleng ate Paulus. Ieteh Paulus maka i bas duana temanana enda lit persoalen. Amin pe teteap denga ia ngelai tapi lanai erkuan. Nina Paulus perlu lit purpursage i bas temanna enda duana, janah perpulangan si deban arus nampati ia guna banci erdame. Persoalen si lit arus erkedungen, gelah la jadi beban i bas ndahiken dahin pelayanen. Adi lit persoalen pusu pe la dame.

Iujungi Paulus pengajarena nina, kedungenna o senina-seninangku ukurilah kerna si mehuli, mulia, benar, bersih mejile ras kerna kerina si patut ipuji. Pengajaren Paulus enda ngatakan maka adi pe lit persoalen, buat makana positifna, tambah penandaita kerna teman, reh beluhna kita nampilken diri ras ia, teman ta pe epe tinepa Dibata si istimewa i bas mata Dibata, aminna li kekurangan ras kelebihenna. Sebaliknya, kita pe istimewa i lebe-lebe Dibata. Apai pe kita ardu meherga i bas Dibata. Jadi la lit alasenta situhuna ndekah erelem-elem, apaika pebelin-belin kesalahen teman.

Apaika I bas masa pandemi Corona enda, perlu kala si jaga kesehaten mentalta, sebab e mbelin ngaruhna ku bas kesehaten kula. Adi gulut ukur, erelem-elem, mura merwa ras pernembekh enda banci mesui takal, naik tensi, sakit maag seh ku asam lambung. Kita nge si njaga kesehatennta. Rukur



mehuli, la mpebelin-belin persoalen, nggit erdame, ukurta pe sehat.

 Kam ras aku meherga i bas Tuhan